

存素堂詩稿



存葉
詩

大興王宗翰篆

同治七年歲在
戊辰春日重刊

序

國初江左詩人以太倉吳梅村爲首觀其皋牢萬有凌
轢百家感遇蒼涼子美流離之詠言情婉轉樂天諷諭
之吟論者謂宗法三唐則取塗較正熟觀諸史則徵典
不蕪非徒以縛旨摛才綺詞流韻誠騷壇之尊宿爲樂
府之中聲後有作者其吾宗伯瑜先生乎先生婁水鍾
英弇山毓粹享存樂社承開府之遙源義篤范莊識旌
閭之善氣一自紬書東觀視草西清讀中壘未見之編
博稽故實慶相如同時之遇揚厲瑋辭固已騁玉軼以
馳名夢綵毫而呈藻矣若夫黔中視學商邑縮符飛芻
存素堂詩藁

序

上達於潞河陳臬遙通於洱海自膺藩任重莅之江湖
湘壯擁節之猷章貢重建牙之寄凡夫江山坐嘯原隰
周咨溯文物於中州擴見聞於荒徼莫不徘徊宦轍收
拾奚囊或翕羽勝流則題襟得句或委蛇退食則森戟
成吟信乎內厯外敷隨居官爲一集登高遇物綜大夫
之九能者也迄乎解組還山角巾歸第眷平泉之舊隱
草木皆珍邀洛社之耆英鬢眉自古園以婆娑爲號會
傳眞率之名情話方長幽事可悅以視服官之日所作
倍之竊嘗側覽全編矣窺淵旨大率溫柔以敦教和雅
以奏音極意匠之經營而不以鼓努爲力融羣言之瀝

液而不以餽爭奇卽晚年所作時近東坡多有用其韻仿其體者要以本真放於精微全消客慧歸絢爛於平淡終異枯禪習習蘭馨桃李匿秀悒悒琴德箏笛寢聲其諸爲祭酒之嗣音而得唐賢之三昧者與夫梅村詞章之業獨尊出處之蹤多憾故發於詩者或堙鬱以晦其旨或積唐以隱其名豈若先生三館崇班飫圖書之清祕

四朝宿老全

恩禮之始終文福兼脩身名並泰顧自林文忠被議以後卽不復出猶復塵徹桑於未雨懲利器以示人往往存素堂詩藁

序

二

於子牟戀闕之辰抒賈傅屠薪之慨及讀江上一集與磬清湖避亂之蹤幾相仿焉然則小雅憂時中興作頌詩家編年之例卽史家論世之資已是集行世已久遭亂版燬無存同治丁卯先生冢嗣調甫方伯以軍儲轉運小住淮陰適振倫主講崇實書院幸通疏屬喜接清談識庭誥之夙承啟楹書而下示屬爲校勘并委弁言迴憶道光乙未先生開藩吾浙振倫方舉於鄉曾修士相見之儀未逮眾相酬之禮何意浮蹤潦倒晚學支離獲尋奇律於歸昌宛聽遺音於正始楊修末學敢輕西蜀子雲元亮幽栖彌敬長沙族祖託瀛洲之後輩尙有

餘榮比吳越之傳芳便同家集忘其僭越遂爲序之云
爾歸安宗後學振倫謹撰

存素堂詩彙

序

三



存素堂詩彙目錄

卷一磨鐵集古近體詩四十八首

起癸未至戊子

卷二春明集古近體詩五十五首

起己卯至己丑

卷三塵海集古近體詩六十五首

起壬午至乙未

卷四乘槎集古近體詩七十二首

癸巳

卷五匏樽集古近體詩三十三首

起庚子至癸卯

卷六壤音集古近體詩二十七首

起癸卯至丙午

卷七蘇臺集古近體詩二十六首

丁未

卷八銅井集古近體詩二十六首

起戊申至己酉

卷九譙羽集古近體詩三十首

起己酉至壬子

存素堂詩彙

目錄

卷十江上集五古二十三首

癸丑甲寅

卷十一貞元集古近體詩三十首

甲寅

卷十二友聲集古近體詩二十五首

甲寅乙卯

卷十三續集古近體詩三十首

男鼎銘孫溯者校字

卷一

磨鐵集古近體詩四十八首

起癸未
至戊子

存素堂詩彙

磨鐵集

磨鐵集

磨鐵集

大倉 錢寶琛 伯瑜

古近體詩四十八首 起癸未至戊子

甫里謁陸魯望祠

屢詔徵高士先生妙晦藏衣冠畱古處風雅振頽唐草澤容中隱叢祠接上方 祠旁為海藏禪院 何年來卜築漁釣傍

雲鄉

畢靜山五丈 憲會 見示詩藁賦呈

新詩吟罷聽琅琅 集中 見說重開綠野堂月旦盛推鄉

祭酒風流爭識魯靈光畫圖江左千家扇俎豆唐賢一

存素堂詩藁 磨鐵集

瓣香先輩只今漸零落問奇遙憶草元揚 楊叔溫先生病不見容

當年曾附紀羣遊 令似子筠明府 風雪聯吟墨瀋畱 乙亥入都同人繪風

雪送行圖題詩甚富 薄宦漸成萍梗迹勞生無那稻粱謀田荒剩

有家園在稅減深叨

聖澤優去去江湖天咫尺憑將濁酒替澆愁

州守張丹村 作楠 擢官徐州詩以送之

時清儒術貴況以被蒼生守道非強項甘貧豈立名量

移

聖主意攀慕庶民情他日黃樓上重來聽政聲

減騎軒頻過挑燈話最深忽攜袁守扇去播武城琴別

夢燕山路懷人江水滄

九重方嚮用黽勉矢初心

新安寓齋送叔雲弟襄歸試

共說還鄉好還鄉反更愁誤將官閣樹聽作故園秋夢
草三更月乘楂萬里流高堂俱白髮屢起望歸舟
寄語粉榆社年來飄泊身天邊倦飛鳥夢裏已歸人雲
海辜遊屐桐江訪釣綸誰憐爨下響寸寸是勞薪

女兒酒

餘杭女兒嬌翠娥餘杭美酒卷綠波女兒生日釀酒熟
女兒嫁時壓酒多玉釭倒影黛痕浮雲鬢霞鬟新上頭

存素堂詩集

磨鐵集

一一

新昏對酒花羞顛黃嬌沈醉梨花面痕淺生憎沈碧衫
盃長底事沾金釧盃合琉璃盞廚移玳瑁筵今年嫁女
黃金酒明年洗兒青犀錢

僧鞵菊

林下何來履跡凝秋英點點逗疎厖白雲嶺外趺初結
黃葉村中步欲凌布地無聲人立月散花有影佛傳鐙
最宜籬落蕭疎處著箇人悶自在僧

休誇行腳舊生涯對影無言傷冷齋月印微微畱野逕
霜苔滑滑上空階分明白足禪同證一樣黃花色倍佳
屈指重陽風雨近尋幽隨意踏芒鞵

天門引

仙人騎鳳凰招我遊天閭捫參攀斗路阻長白榆歷歷
分兩行紫髯道人白羽裳昆侖山上驂鸞翔拍肩問我
來何方懷中出棗勸我嘗天門開何熒煌琳宮紺宇遙
相望星冠雲帔坐紫皇洪崖羨門多在旁瀟湘帝子靚
明妝瑤池玉女調笙簧鈞天敖嘈侑帝觴黃精爲糧霞
爲漿鄉環之宮出玉章天書爛漫讀未詳到此使我心
徬徨便欲乘雲還故鄉尻輪神馭俄飄颺歸來衣襟染
天香鐘鼓沈沈夜未央

紙窗

存素堂詩彙

磨鐵集

三二

銀屏六曲影成雙窈窕齊開面面窗虛白半糯低蒜押
涵青一室射蘭缸風枝料峭籠紗薄雨點蕭疎濺玉璫
隔竹有人寒倚壁一編坐對燭幢幢

鐙檠

熒然四照一鐙明無那幽懷對短檠孤館夜寒風半壁
虛堂人靜月三更機絲斷續聲逾苦帳紙惺忪夢未成
最是膏殘煙燼候銀灰蠟淚不勝情

團扇

團扇巧製織齊紈一握盈盈白玉團坐到春風揮手送
捉來明月舉頭看消除炎熱三商動磨盡圭稜六角剗

莫便經秋輕棄卻都亭畱奉故人歡

竹簾

銀鈎戍削響虛檐織竹初成押畫簾滿院涼波篩月印
空階秋氣逼風尖垂垂筠箔畱香細曲曲湘紋疊影纖
鎮日閒情消不得開緘甲乙數牙籤

聞海虞某太君捐貲賑災詩以志美

黃香爲魏郡比戶施鍾粟陸續仕戶曹贍貧與餽粥不
悟巾幗賢遠師君子躅仁粟與義漿死生白骨肉堯年
灑沈蘇周官荒政肅豈無發榮舉取以厚風俗古者稱
牧民籌備在儲蓄不見便民倉鼠雀穿破屋

存素堂詩臺

磨鐵集

四

將赴京師汪竺君

元爵

招遊虎山賦詩贈行和韻

畱別

相逢重說故園春底事恩恩踏軟塵問世自憐疎學術
在山深羨乞閒身君服闋未
卽起復中年絲竹悲愉雜少日交
遊氣誼眞欲就生公聽說法當門鐵限悟從新

東周璞堂

逢辰

廿載京華住農經舊有名知交滿朝市勞苦閱風塵君
近江南滯吾重薊北行臨分各惆悵流水去無情

早春顧拙園

之政

招同吳竹筠

本

邵秩齋

楷舍弟

子英南園訪梅分韻得尋字

相將蠟屐此登臨極目蕭條思不禁太傅勛名餘手澤

老梅名一隻瘦鶴舞
王文肅相國手植

小園風雅付人琴舊有南園
風雅詩刻雲深

老衲遲歸院霧重雛鴉倦入林杖策衝泥吾輩健是日
大雨

三生鶴夢許重尋

吳竹筠招同顧拙園旭堂錫升周雨蕉廣盛陸子

範模汪博堂培基舍弟子英叔雲集杏花軒分

韻得流字

廣文先生伶籍儔棄官買宅營糟邱夜寒雷客典敝裘
曉雞喔喔傳觥籌就中健者顧虎頭仰天白眼渺九州
嬉笑怒罵醉不休竹林賢從聯清遊輕裘緩帶多風流

存素堂詩藁

唐鐵集

五

周郎諧笑雜俳優縱橫顛倒談天騶興酣舉手捫斗牛
平原玉立神何邁軒然百尺元龍樓汪生狡獪迴不猶
短小精悍炯兩眸身輕一葉海上鷗吾家小謝工清謳
矧復池塘多唱酬相逢花下促拍浮側身天地銷春愁
瑞蝠圖為龔藝園賦

丹水亭邊骨已仙洞庭山下亦千年偶然來降空同室
莫更飛遊上九天

入穴為鼠出為鳥春鷓秋蟀歷須臾解人誰是蘇夫子
漫把晨暝問訓狐

佛說生生慈善果莊言止止吉祥詞何須更誦天中記

浪覓丹爐乞肉芝

劫鉢圖

罡風慘淡陰天國，鋸齒磨牙攫人食。脂膏狼籍皮肉盡，
模糊白晝天無色。是名鬼子母，云是神王妻。自愛己子，
會人子，枯骸積與邱山齊。吾佛慈悲運神力，手伏妖魔，
施寶救攝來孽子。賓迦羅鉢底沈魂，白日匿殺人子多，
應及此鬼母。無子人有子，三飯五戒信受持。爾子故在，
須還爾。嗚呼世間鬼蜮何紛紜，甘人之肉如羶臙，安得
廣長與降伏。普天蒼赤同氤氳。

周亦泉

煜

攜樽城北禪寺卽席次畢小竹

熙曾

韻

存素堂詩橐

磨鐵集

六

積雨兼旬綠滿郊，提壺相約賞衡茅。僧閒退院荒三徑，
鳥倦投林戀一巢。蠟屐無聲松子落，柴關不掩竹風敲。
青衫未洗緇塵色，恐有山靈見欲嘲。

畫圖墨妙不須論，劫後殘灰有幾存。

寺藏吳道子佛像
久燬於火趙松雪

墨妙亭
亦廢

到處能容身，一粟相逢莫負酒。盈樽化人枉說

三生，偈成佛惟畱半指痕。便欲從君參玉版，眼看新籜
長龍孫。

集陸桐庵

廷珪

憶園和吳竹筠韻

小閣憑虛做空濛，兩界分花天開酒國勝。景助雄文八
座邀，明月停琴佇白雲。舊遊思歷歷，禊事說瀟瀟。

竹深林密處兩板掩柴門白社吟身健桐庵有白社聯吟圖烏臺

世德尊園為令祖匪我侍御遺趾南園追雅集北海挹芳樽已近黃

梅節遙尋打麥村

偕竹筠拙園秩齋子英汎舟東郭遠至西關訪樂

郊園西田滄江風月樓故址

載酒出東郭登臨弔古原樹枯庾信賦樂郊園為王太常別業惟老樹

一林尚存廣蔭數畝草沒辟疆園歌舞隨風散煙霞曠代存道旁

誰問訊寂寞有柴門

返櫂西田過在吳塘數里許王藻儒相國所營蒼然盡廢邱言尋風月

主無復舊時樓楊鐵厓遺跡距西田甚近今成沃壤樂府畱餘韻滄江話

存素堂詩藁

磨鐵集

七

勝遊何當攜鐵遂長此汎扁舟

憶園同甲會與者十人顧拙園有序記事頗涉牢

愁詩以廣之

人生三萬六千日十人共有一千春已過四百一十載

未來二億萬餘旬眼中少長蘭亭集日後耆英洛社人

記取芳園今歲事筍廚蒲酒一番新

讀史偶感四首

電掃欃槍出渭城西風獵獵動旗旌蜂屯蟻聚田橫島

虎關龍驤馬援營大漠草迷烽火色白河漸咽鼓鞞聲

安邊豈必無長策苦憶當年李北平

飛檄訛傳下趙佗款關無計挽天戈朝廷詎可窮經武
國體由來黜議和式闢前功歸召虎轉糧此日想蕭何
西征諸將承殊眷誓掃鯨氛奏凱歌

萬里天山路百盤輸邊拜爵主恩寬大農體國方持算
上將臨疆正築壇卜式功名由牧販馬卿詞賦起郎官
山中大有彈冠興坎坎無須詠伐檀

遠上黃河勢接天宣房舊跡已茫然隄成淮北千家徒
漕積江東萬舸連銀燭朱瑜津吏宴牙旗金鼓長官船
太倉粒粒民膏血知費天家幾萬錢

和顧拙園城南汎舟原韻

磨鐵集

八

存素堂詩彙

鷓首飄飄任所之避喧此地好棲遲一叢薜荔圍荒堞
無數菰蒲長廢池野性慣尋濠上樂世情笑指局中碁
夕陽篷背普騰醉目數歸鴉自詠詩

徐秋士

元潤

假歸省親將赴陝右即用前年虎山

畱別韻奉贈

百里棠陰溥澤春歸來襟上帶征塵爲霖未息經綸志
盟水常貞潔白身有弟聯牀詩愈美逮親啜菽味方真
鄉閭好語聽傳徧五老峯前鬪綵新

所居五老峯
張南垣手搆

馬岡千

振

飛仙圖爲陸素庵

因儀

題

天女如花散花手蓮花十丈船如藕有時倒曳珊瑚枝

芙蓉城外颺輪馳畫師關陝舊知名橐筆曾隨大將營
畢秋帆制府在川陝軍營時引爲上客 尙書身後風流盡獨有丹青照眼明

西瓜

金刀落響墮環斜捧出冰盤鬪茜霞偷得吳宮美人姓
東陵不數故侯家

藕

濯濯冰姿啟鏡函污泥淨洗出塵凡可憐混沌經穿鑿
妙挽靈心費刻鑿

菱

存素堂詩藁

磨鐵集

九

碧池一曲鏡光如風骨棱棱出水初飢座忽教圭角盡
多應口福替消除

述德詩七首

吾家本海虞轉徙入婁水耕讀湖川塘數世多積累中
丞始起家四十成進士筮仕得橐城赤緊揚清美煌煌
登薦書駸駸入御史數歲長西臺切直屢中旨衣繡巡
川中秉鉞撫江浹所到樹恩威偉績不勝紀至今三百
年俎豆崇禋祀

筓哉通議公中丞第四子鼎鼎席華閣抑抑書生耳出
門親仁賢八里恭桑梓三百置義田睦族師范氏身沒

祭鄉社美報良有以有子六丈夫位望隆隆起

中書獨恬退忼慨立節義外家鴻博公

黃諱與堅

一綫螟蛉

寄同室欲傾巢宗祀幾失墜公也激義憤挺身訴官吏
一再不得理泣走直指使大官鑒誠篤覆盆始易置坐
是家日落生產益不治讀書志怡然終身無怨懟

中書有三子仲氏吾高祖門祚值中衰遺廢資葺補勉
勉完家室稍稍起田圃晚年喜習靜學易通訓詁逸志
樂林泉高情謝簪組篤生文林公世德緬規矩

文林繼堂構謙讓好施與鄰翁與村兒一見相爾汝緩
急輒告貸百求無一拒同閭數十家突火待以舉日久

存素堂詩彙

唐鐵集

十

滋益多負券盈箱篋臨終招使來千金付一炬此事鄉
里人頭白猶能語

吾祖捐館時年未及五十大母爲吾言縷縷猶堪悉始
至汝家時多難百憂集汝祖有二昆門戶各自立伯兄
居東江食指浩難給仲兄察孝廉山右官一邑兄弟分
東西指顧何能及石田八幾何日夕常汲汲汝祖庀家
事櫛沐無暇逸勤勞二十年家道漸充實卽今衣食資
盡是艱難出吾常思此言悲來繼以泣

吾父少孤露有兄相扶持勉力支衰門好義日孜孜鬻
宮久陟剝學舍多傾敲鳩錢庀材具數載復舊規癸秋

大窪雨城市爲陂池漂棺以千計暴露浮骸買地悉
收葬高冢成纍纍其他諸善事所見靡不爲淑德儷吾
母恭儉女中師齊眉四十年義聽兼相資小子承先澤
兢兢懼失遺作詩示後人質詞當墓碑

存素堂詩彙

磨鐵集

十一

卷二

春明集古近體詩五十五首

起己卯
至己丑

存素堂詩稿

春明集

春明集

春明集

太倉 錢寶琛 伯瑜

古近體詩五十五首

起己卯至己丑

己卯十月

皇帝六旬萬壽恭紀三十首

慶裔弧南麗

祥暉斗北崇庚觚颺

通駿甲牒紀

延鴻藍宇光三曜羅圖鬯八風無疆歌

曼壽愛戴效呼嵩

其一

存素堂詩彙

春明集

玉燭調和會敷天瑞靄濃升恆周雅叶

詩五際卯為天保

康吉

禹疇逢

敘錫民彝福銘思

聖壽恭蓬萊瞻五色欣荷

渥恩醲

其二

穹宇隆昭假

寅承福祿降苾芬通

肝蠻

禧嘏介洪龐薦秬

功侔鎬包茅貢錫江

至誠孚祝版

本年

祈雨祝文

皇上親製
甘露立沛

豐屢慶中邦

其三

列聖貽謀遠

鴻圖續緝熙

永日

御製嗣統述
聖詩六十首

前徽垂玉檢

貞祚衍金枝獨吉

精禋奉

敷猷

寶錄披

皇上每日恭誦
聖訓寶錄

重熙徵累葉丕彌太平基

其四

懋勤宣實政

御製實
心行實政說

存素堂詩藁

春明集

聖敬邁宵衣勵翼欽三事綏來輯九圻

天行徵不息

帝念敕惟幾業業崇脩永

樞廷仰握機

其五

保合

鴻慈溥煌煌誦

詔書

諭州縣為親民之
官培養元氣方為稱職

安良編戶籍省斂啟

宸輿康誥誠求切函圖

雅什攄

本年
重華宮茶
宴以幽風圖聯句

恆春同皞皞醕俗樂軒蓬

其六

恆照懸離照

垂衣御八區

存誠宣至論御製晰義肇

宸謨御製

闡繹澄金鏡義利辨

觀文炳玉符曰明欽

濬哲

至德式璿圖其七

慎儉儀經訓御製慎乃儉
德惟懷永圖論

皇脩懋潔齊

起居惇史記出入廣儲稽

存素堂詩橐春明集

禹膳昭銅盞

堯階屏刻枿裕民籌本富阜俗徧綏其八

典學淵脩茂鴻篇甲乙排嫻環儲

祕府奎壁耀符階珠笈千函列論纂祕殿珠
林石渠寶笈三編銀書

四庫皆日新徵富有汲古愜

宸懷其九

糾縵中天運

奎章倬漢回

讚圖端養正御製
養正圖讚

箴位勸官材御製
百官箴

御宴聯賡美

經筵繹訓該琳琅

三集富

本年恭刊

俞允內廷臣工御製詩三集

雅化振埏垓

其十

一統輿圖廣

皇威震疊神格苗軍偃甲除莠

令嚴申狼燧清畿輔鯨波盪海垠

命編戡定畧

救纂蕩平川楚邪教勦除滑濬匪徒方畧

甌祚鞏幘輪

其十一

肆武承

家法春秋訓練勤擅帷青塞路毳幕綠營軍

存素堂詩藁

春明集

教射雙規合

每歲

宮門校射賞賚有差

行圍八隊分珠鈴昭

睿畧揆奮仰

洪勳

其十二

麟書方獻歲鳳瑄正調元

仙仗排雲麗

祥綸捧日溫

本年元旦肆

頒恩詔

先庚

仁者壽

恭已大哉言函夏

敷醲化霑濡荷

闔恩其十

秩祀儀文簡

懷柔嶽瀆安遣官祭告真香崇望燈使節肅祠官

典邁虞封濬

功符夏滌刊萬靈咸効祝寰海徧臚歡其十

稽古隆儀懋遣官致祭歷代帝王

尊師秩禮頌遣官致祭先師孔子鼎彝三代上俎豆兩楹閒

薰殿畱圖繪芹宮賁

額顏升馨崇介典吉告肅鳩班其十

應

存素堂詩彙

春明集

五

運者英蔚

推恩輔弼先大臣六十以上俱加恩賜

禁榮乘馬日

朝慶杖鳩年渭水符姬瑞商山陋漢賢

仙廚珍膳錫燕譽樂

堯天其十六

奕奕銀潢系

祥綏番慶霄恩賜宗室覺羅璫編尊

譜牒蕊旆麗繩杓麟瑞賡縣陔

龍光荷蓼蕭

箴言惇敘切

雍睦和英韶其十

湛露覃施廣堂廉協泰交

賜階榮晉書

錫命筮師爻文武各官並加一級緋彩輝雙翼纓影散九苞頭銜

新

賁寵臚頌拜

螭坳其十八

孝治光仁宇

崇封茂典褒內外大小臣工並荷封贈金泥宣

存素堂詩橐

春明集

六

紫綉玉軸豔丹毫舊業先疇詠

新恩列宋叨門楣隆烏奕

錫羨沐醕膏其十九

昌辰開

慶榜藹藹作人多先是鄉會詔開恩科

壁府窺中祕霓裳集大羅仙軺量玉尺史筆奏金科

文教敷寰寓星雲贊九歌其二

成均徵化洽作養被

恩嘉升秀三年盛程功一月奢貢監生及各學教習免期一月直省儒學以正

貢作陳經人砥業鼓篋士銜華環璧菁莪茂

奎光絢紫霞

其二十一

寶敕輝仁里鄉閭獨行彰

孝子順孫義夫節婦 敕賜旌表

貞珉青史

筆綽楔紫泥坊表宅隆

褒獎

旌門賁裔皇普天彝教敘

錫福奏平康

其二十二

壽人兼

壽世軍民七十以上賞資耄耄徧

恩榮獻曝登臺樂含飴擊壤聲簡書寬令甲笙雅譜由

庚扶杖邀縑帛歌幽晉兕觥

其二十三

存素堂詩彙

春明集

七

阜民宏

賜復

帝念普盈甯緩二常征減蠲全舊賦停

恩免直省積欠錢糧黔蜀

二省無民欠者減正賦十分之二借賞饒貨丙

恩免舊借籽種

虛額豁租丁

冊地虛糧益下民生厚歡忱洽庶星

其二十四

蘆則供惟正鹺徵稅有恆令寬都轉使計上大農丞負

課

恩胥貸分綱筴早登

直省鹽課銀欸分別蠲緩

惠商資裕本萬竈共歡騰

其二十五

濟眾濃膏被窮簷荷鞠謀詔各處善濟院有司留心養贍由頤休養

普

利益廣生稠岐政施仁急周官給廩優熙熙含哺樂燾

煦徧瀛陬

其二十六

大造生生德

天施雨露深禹車關

聖念湯網普

仁心

直省軍流以下減等

蘇槁回暘谷懷音集類林慎明昭

御論刑恤

帝惟欽

其二十七

萬國共球集環瀛

存素堂詩彙

春明集

八

福澤涵梯航王會盛玉帛上儀誥納賚駒來北輸琛象

貢南披圖

宸藻煥

御集職貢圖聯句

九譯沐

仁覃

其二十八

經壇輝

寶籙

輦道肅觀瞻

諭恭辦典勿得踵事增華慶

芝蓋香雲繞

蓬池化雨露旃林徵

福瑞貝葉現莊嚴禩祓尊

洪算籌探海屋添

其二
十九

中外謳歌協

皇心秉至誠曼珠仁壽鏡闈玉吉祥
函鈞奏節鳳應綸章燭鳳銜獨欽

恭讓德

受福萬方咸

其二
十

初秋蒙

賜同館諸臣文綺表裏恭紀

宮綺萬花攢榮光賁

殿端五雲親拜捧三館共傳看

存素堂詩藁

春明集

九

帝自宵衣治

臣

同畫錦觀要知

高厚意不爲敝袍寒

翊日復拜官磁九事之

賜恭紀

拜舞

新恩出禁中官窠舊製彩磁工定州雪枕玻璃白內府
櫻盤琥珀紅什襲眼迷宮錦爛九華手捧

御煙籠近來

優詔停方貢珍重應同彝鼎隆

試燈日雪盛蘭雪

大士

陸子鐵

元文

同集雲軒家

兄星壁寓齋用東坡大雪答虢令韻

華燈然九衢，醜香百和誰放。七七花一夜，燦阿那落。
囊大如掌，凍烏林際，墮龍具寒補。初鶴料宿春，簸新月。
照新年一鉤，弄影嗟荏苒，駒過隙，逡巡蟻轉磨。曼衍戲
魚龍，廣場列寶貨，獨厭徵逐，交意氣半摧挫。甲煎熱三
更，辛盤釭一座，尙欣對牀吟，差勝踏壁臥。良會集承明，
歡腸忘坎坷，磕三百觥酒，痕滿襟。澆七種菜根，齧半
梢梅萼，破況逢。

堯舜朝十行，蠲國課，遂令中澤鴻。一一免寒餓，我儕樂
昇平，願上春臺賀。

存素堂詩彙

春明集

十

送劉金門宮保謝病歸里

紫嶰初肥菊，滿籬乞湖賀。監賦歸時禁，中名字呼應熟。
塞外悲歌氣益奇，看劍尙餘肝膽在。聞箏自惜鬢毛衰，
故山鄭重眞靈業。四十年來老總持，
天祿餘輝動斗南，白頭侍從。

舊恩覃頗聞廷議，推劉尙可有文章屬。史談老去吟身
容笑傲，宦成世味閱酸甘。雙瞳好借雲光洗，紅蓼香中
月一潭。

先生所居爲紅蓼香村

夏日集尺五莊用壁間張詩船祥河韻

郭外涼颺動鄰鄰，皺一池駮童嬉水慣。魚婢出波遲有

客浮蓮葉何人唱柳枝風流韋杜在輕易莫題詩

朱竹君先生三百三十三石亭爲韓樹屏先生題

先生愛士如愛石瑰磊奇材恣採擇先生愛石如愛土
手剔窮巖擢泥滓當其秉節南中時鐵網收盡珊瑚枝
求才貴取他山錯問字安用兼金資一士一石抵羔鴈
輦來麕至陳階除三百三十有三士一一鐫勒名無遺
先生顧此掀髯笑吾以名亭寄吟嘯咫尺須彌落眼前
不數米顛遺墨妙先生一去亭空畱偉哉繼起韓荊州
展公遺跡拜公石慨然尙友追風流圖以生綃系以記
至今軼事傳歌謳君不見兒孫羅立諸峯頭兩家令器
存素堂詩臺

春明集

士

森琳璆

送徐秋士

元潤

赴官秦中

入洛才名盛文章富等身書徒虛十上氣尙辟千人吳
下高經席滄江振雅輪一官雞肋味捧檄爲衰親
卽欲論經濟如君亦達材向人肝膽見噓物苑枯回盛
世方求治巖疆況待才關山風信早霜雁寄聲來

題陸子範

模

關山送別圖

去歲河干遇恩恩折柳枝天涯成小聚馬首又何之壯
志風雲散歸期江水知升沈何足論記取歲寒時

奉題座師黃左田先生餞書圖

好古有奇癖達觀無近娛先生志高尚軌迹追二疏不
買陽羨田不乞賀監湖擁書抵百城所願惟區區詰朝
戒行李家具已首塗鄴架一萬軸琳琅載與俱開我井
西堂葺我湖上廬左圖而右史我以遂我初先驅既早
發觀者動歎獻讀書致公輔軒冕輕泥塗知足貴返璞
古語良匪誣側聞

聖賢契堂陞相都俞溫慰及再三恩禮終不渝請畱箸
述身調鼎襄

皇謨

松筠庵拜楊椒山先生祠

存素堂詩藁

春明集

十一

含元仗下讀彈文兩疏流傳氣挾雲碧血遂成千古痛
素書竟壅九重聞終看北寺收鸞族已誤中原失鶴軍
一掬上東門外淚白頭子影弔殘曛

題卞光河同年種竹圖

土雲

自向鄰園刷白雲小軒借署此君君用東坡句花豬玉版清
兼福底事人將竹肉分

侯封何必誇千戶兵甲奚須植萬夫只種兩三畱聽雨
勝他芋栗富園租

文人愛竹都成例況復相期閱歲寒多謝故人貽妙墨
畫圖添个碧琅玕

春閏以素絹巧友人墨竹輒圖山水見贈

重寓松筠庵用前韻柬月亭上人

楞嚴不讀梵王文要近西山看白雲故里煙霞重絮話
上方鐘磬記經聞欲栽蒼筍依香國爲乞蒲葵寫右軍
篋笥叢殘家具在一車薄笨趁斜曛

回疆紅旗報捷和蔣礪堂節相元韻五首

戈壁銷兵日康衢擊壤年功全歸定遠銘不勒燕然營
衛騰鵝鶴旌旗散鴟鳶靈臺今偃伯

福寓奠甌堅

其一

智勇天威讐勤勞眾力輸出車彰

九伐

存素堂詩彙

春明集

三

簡卒法三驅效順來神佑經方秉

聖謨況聞轉饜地隔歲已蠲租

其二

星精儲上將卽此是長城指顧收烽壘謹呼動凱聲已

看元濟獻還許蔡人生閭外資籌策藏胷十萬兵

其三

一騎軍書疾爭看露布來

皇圖歸有截天意翦其魁暎鼓傳鐙送春旗班馬催策

勳書五等袞袞上雲臺

其四

皇心仁上殺有

詔撤邊防鋌險馴奔鹿求芻誠收羊宥刑刑自正不治

治彌長調燮元臣在中和諧雅章

其五

元夕和陳辛軒

稼生韻

六街填咽響輕車夾道香塵蹴軟沙
鐙火夜分燔鬼判風光燕九訪仙家
金吾漢制原無禁玉蕊唐宮別有花
蝸寄一椽聊近市買春差喜酒堪賒
時移寓琉璃廠山中招隱惜蹉跎
如此年華客裏過春意曹騰花事近
天涯落拓故人多十分美滿圓時月
一霎炎涼醉後醅爲問江南梅信息
蘆簾紙閣思如何

寒夜柬張葵軒

懋勳

七載營邱長歸來兩袖清風裁古廉
吏絃誦魯諸生鶴料貧難給鷗心閒
與盟使君一勺水祇許入杯鐺

存素堂詩藁

春明集

十四

見說瓜期代于今已及時江南春草別
湘水暮雲思畱客傾桑落逢人訪竹枝
天涯多樂事切勿歎淒其

卷三

塵海集古近體詩六十五首

起壬午
至乙未

塵海集古近體詩六十五首

存素堂詩彙

塵海集

塵海集

存素堂詩彙六十五首

起壬午
至乙未

塵海集

太倉 錢寶琛 伯瑜

古近體詩六十五首

起壬午至乙未

鐵索橋歌爲劉叔方刺史

嗣矩作橋在黔中永甯州

盤江山頭高矗天盤江山下藏深淵雙峯擎出巨靈掌
畫開地肺飛寒泉懸崖對峙三百尺俯瞰一氣連雲煙
陰風怒號神鬼泣白日走匿蛟龍潛天公一夕運靈化
驅策丁甲來山前出鐵之山三千六神工鼓鑄穿其巔
秦壺下觀風雨吼豐隆赫怒雷霆鞭須臾彩霞落天半
危梯怪石相鈎連黔虹兩字大如斗煙雲磨滅知何年
存素堂詩彙

塵海集

一

我來十日山行險百步九折紆迴旋陡瞻天塹動驚怖
及上數級如平川世路險夷何足論由來王道本蕩平
嗚呼王道本蕩平寄詩爲道司牧賢

中秋前三日何竹居觀察

金

招同景福泉廉使

謙

遊扶風禪寺作

百尺螺峯黛色浮煙霞供養足清幽君家慣在湖山住
也逐芒屨占勝遊

三春冠蓋此經行祈穀壇邊賽鼓迎

山前爲社稷壇

滿目黃雲

秋稼熟村村擊壤太平聲

綠筠深處做琳宮上界高寒法雨濛倉頡廟前雲不斷

分明金粟散空中

秋風恰好趁扶搏鵠立銀袍怯露單多謝杜陵開廣廈

千閨徧覆感孤寒

時樂朗峯方伯議修試院

尋詩隨意踏莓苔東閣吟成水部才更喜龍孫頭角好

清聲一一引簫來

竹居文孫謹臻詩筆書法俱佳

雁後花前動別思天邊楊柳正絲絲寒梅時節重相憶

春雨春風寄一枝

詠菊四首示諸生作

訪菊

疎籬隱隱竹敲斜指點柴桑處士家白露已溥霜未老

存素堂詩藁

塵海集

二

一年最喜看秋花

對菊

小立苔階綠引裾無言竟日鎮相於花枝似我經秋瘦

我比花枝澹不如

採菊

偶攜手鋪劔芳菲小摘筠籃露溼衣滿徑幽香關不住

一肩荷得白雲歸

簪菊

年來潘鬢已成絲醉把茱萸憶昔時看取簪花好風格

莫教容易負秋期

遵義黃明府惠土綢賦謝

束帛無端五兩陳
素絲絕不沈微塵
歸裝檢點贏多少
猶喜門無問絹人

宋州郡齋雪後和蔡逸史

逸史韻

慚愧家風說戰瓜
漫拈枯管手頻叉
日高滿院兒逃塾
風掃空庭吏放衙
自檢餘糧調鶴料
嬾開官閣訪梅花
一條冰付紅爐化
贏得澆腸七椀茶

前韻柬逸史周璞堂

逢辰

烏皮艇子小於瓜
一尺銀刀正上叉
又獸炭半蘇寒
簌簌虬松作勢走衙衙
顏醜聊借杯中酒
鬢白愁看鏡裏花
存素堂詩彙

塵海集

三

聞說上方泉味好

城外中南海
水泉極清

飛符調取試新茶

雪中憶梅用尖又韻贈金葉僊參軍

守椿

詩心那許著塵纖
白戰堂堂令自嚴
高士風情吹鐵篴
女郎才調鬪紅鹽
尋幽未肯閒遊屐
索笑何須傍畫簷
西抹東塗太無賴
幾番禿盡兔毫尖

滿庭明月荷鋤鴉
鶴擎仙人駐碧車
三徑白雲清入夢
一枝綵筆噤無花
我懷香海詩人宅
君近孤山處士家
繪出鵝溪三尺絹
閑來好試玉楹叉

葉僊善
繪事

再疊前韻和逸史

漫空玉屑散纖纖
側耳城頭鼓柝嚴
差喜兆成三白瑞

爭如散作萬家鹽

郡中鹽價極昂

殘年漉酒蛆浮甕千里傳書

鵲噪簷

是日適得家信

爲問故山梅信息鄉愁飛上碧毫尖

瑟縮奚須學晚鴉先生自署客無車鶴歸驚破五更夢

雀嘴啄殘頃刻花阮屐平生消幾兩梁園終古屬誰家

玉龍夜半橫吹起賦手休教讓八叉

早起雪又大作三疊前韻

玉戲連番弄影纖琉璃世界現莊嚴清風落咳都成屑
碧海恬波盡化鹽宛宛銀虬蟠曲徑沈沈鈴鐵戛虛簷
空明四大原無著悟到禪機一指尖

漠漠癡雲帶墨鴉丹楓深處好停車天風吹起滿身粟

存素堂詩彙

塵海集

四

松霧看成千樹花翠袖縞衣寒士夢白雲黃葉道人家
一條畧徇尋歸路不辨山蹊有幾叉

金葉僊見和雪後韻三疊卽酬

宦游蹤跡似匏瓜不向逢迎學手又橐筆三河依幕府
誅茅五畝拓官衙如舟屋小都因樹數笏庭閒待補花
聞說夜來投客轄定知要試故山茶

葉僊不解飲

四疊前韻和璞堂

沁牙蒟醬溢甘瓜入市青錢竹杖又半枕黃粱閱蝶夢
一房銀蠟冷蜂衙錦鱗無信遲箋素瓶膽生寒閣蕊花
病肺近來思上酒祇應多貯雨前茶

四疊尖叉韻送畢雪傭

楚珍南歸

遠樹迷離一髮纖打門風緊怯寒嚴鄉程迢遞珍賔會
生計艱難話米鹽亦有田園逢儉歲頗聞

蠲賑逮窮簷過江滾滾波濤惡莫上金山佛塢尖

時南中大

水

稻梁謀拙柰饑鴉紅女閑停軋軋車餞歲酒杯餘柏葉
隔年心事祝春花

吳中謂二麥爲春花

看雲杜老時懷弟負郭黔

婁尚有家

謂銘軒

惱煞棗梢數寒雀凍枝踏折玉雙叉

六忠祠追響二義女紀事

宋州城中有雙廟張許英風相照耀後來增祀名六忠

存素堂詩彙

塵海集

五

南雷姚

問賈

同響宮偏裨廝眷列兩廡報功禮備光

豆俎我來拂碣親摩抄退考志乘旁搜羅中丞有姊女

中傑助公拊循眼流血手綴寒衣瘡裹鐵十指疲軼筋

骨枯尙聞乏會呼家姑

郡志軍中皆稱爲家姑

吁嗟城破同捐軀

紅顏玉貌中丞妾糜身殖醢飽饑卒宛轉刀砧碎香骨

擊鼓響軍鼓聲死三軍仰面不能視衝冠髮指投箸起

嗚呼丈夫死忠女死義一門大節真無媿相從廟會禮

則宜後之君子無廢遺

重修微子廟落成

尹夏分茅後崇宮奉德容服辱元子貴如帶上公封禮

物開時聖詩歌行列宗質家苗裔舊布素致雖雖

後裔有股

宋孔三姓是日均來會祭

文雅臺增建梁孝王祠祀鄒枚司馬諸人

梁園形勝據中嵩行館歌臺睢水東詞賦早開文選體
賢豪大有信陵風強藩孰保初終節名士真成輔翊功
不見淮南盛賓客淒涼荆棘滿離宮

移建貞烈祠

明季乾坤鼎沸時孤城累卵正艱危男兒氣節摧鋒盡
婦女功名橫草奇血淚欲揮元帝廟

張中丞事

貞魂常傷木

蘭祠

木蘭睢陽人有祠

青珉一片韓陵石再拜升馨起敬思

存素堂詩臺

塵海集

六

哈蜜瓜

官廚冷寂似山家嚼雪餐冰煮井華一事西園應遜卻
蠟梅時節試浮瓜

荔支一騎鬪紅顏西域蒲萄又入關爭似青瓢堪耐冷
輕裝裹雪渡天山

臘八粥和逸史韻

不分禪學與儒宗饘粥晨昏一例供昨日南鴻帶鄉信
磬音徧野正愁儂

秋砧

灘沙咽石作秋鳴斷杵西風長短聲刀尺夜鐙添料峭

橐砧舊恨替分明，鴛鴦錦滅機中字。蟣蝨衣憐塞上情。
聞道玉關鏡吹動將軍，新受月支盟。

秋杵

鐙前雙劍倚雌雄，橐橐荒城晚景同。旅館啼螿催短夢，
空槽疲馬嚼長風。檐鈴響似河冰下，衣桁涼如鐵甲衷。
候吏傳更寒瑟瑟，縮街頭溼鼓打逢逢。

韓忠武王墓

騎驢一去悲時局，化鶴千年弔古墳。南國苟安泥馬讖，
中流橫截水犀軍。權臣自恐撓和議，天子何因嫉戰勳。
亭上風波湖上月，死生飲痛失燕雲。

存素堂詩橐

塵海集

七

岳鄂王墓

半壁江山帝業微，長城坐壞計尤非。六師第緩金牌召，
二帝終迎玉輦歸。不抵黃龍伸北伐，空嗟白雁向南飛。
易名漢壽同遺恨，尙論千秋動綵旂。

于忠肅公祠

明宗北狩駐彤軒，廟算宸謨出戾園。新邑立君歸鄭伯，
獻公復國罪元咍。中朝定計方移蹕，諸將貪功自奪門。
九死孤臣何足論，兩宮可惜有遺言。

奉題富海颿中丞松陰補讀圖

昔賢重致君，補袞襄廟謨。又聞社稷臣，補過退食餘。公

也早

知遇

盛際逢唐虞弱冠掇科名習體蘭臺趨四十位開府
一德堂廉孚豈有罅漏畱位高心益虛公餘手一編日
與古人俱不必鄴侯富篋衍輝璣珠不必山經奧穿鑿
研蟲魚章句小儒業風教大雅扶古書百回讀中有至
味腴譬如大海流百川爭委輸譬如泰山雲崇朝基寸
膚浸淫益以久恢恢宏遠圖政成報

天子

春殿雍都俞

存素堂詩藁

塵海集

八

淮陰釣臺

漢家機智馭英才國士遭逢絕可哀一劍孤依眞主去
雙符虛擁假王來庭中握手誣誰辨臥內收兵氣早灰
他日歌風空太息清淮古浦兩荒臺

順河集和壁閒張遠春丈

興鏞

韻

短驛長亭促旅程馬蹄快趁早涼行三生泥雪樽前話
十載星霜客裏更隄外帆檣通北漕村邊穰稔兆西成
蘭言久隔春明夢

別詩餘令嗣
已四閱寒暑

忽聽山中老鳳聲

圯上

博浪英雄氣商山兒女謀時危輕一擲幾悞建成侯

報秦因負楚殺信竟忘韓身世委蛇際成名亦大難

韓莊題壁

轉眼新荷滿碧溪鞭絲遙指大隄西夕陽古渡人驅犢
明月荒村夜聽雞濃綠半痕連樹遠晴煙九點入雲齊
江南正是黃梅候愁煞山禽滑滑啼

登泰山頂

天地接冥濛蒼然一氣中身忘凌絕頂心覺盪長空煜
煜初升日冷冷何處風欲尋封禪蹟茂草但蔥龍

題雙桂堂

在滇南泉署

誰言荒寂在邊陲碧樹朱華閱四時俗儉轉於疎拙近

存素堂詩豪

塵海集

九

民醕自覺簡寬宜名王恭順修藩職酋長睢盱奉節麾
知戴

天朝威信久置臣況是好羈縻

奉和伊莘農中丞監臨闈中原韻

孔門重政學冉季與夏游由來汲古綆端資濟川舟使

星日邊來

李鐵樑汪良山兩太史

麟鳳下仙洲葛君舊瀛侶

禮山太守

監理內闈

心跡閒如鷗諸子盡卓犖

謂襄校諸君子

百里著才猷餘

事及翰墨灑氣凌清秋遙想聚星堂喝韻飛觥籌百步
駿下坂三刻師踰溝高詠繼玉局豪情揖浮邱咳唾競

華縉紛如絲繭抽龍門何高高白衣鶴立稠汗血志千

里神行迹不畱磨厲鋒刃淬長養毛羽脩共洗雲水眼
一網珊瑚收五華滇中秀佳氣日夕浮就中闢橫舍林
木清且幽輞軒振風雅

李春皋學使

泉比懋儒修

周吳兩山長

造

就得佳士化字欣同遊白駒賦空谷杖杜生道周坐令
椎髻俗文物誇南州我公本經術心道與謀大度望

汪洋如海納百流十載秉節鉞政成民不偷酌風緬驅
雞薄俗誠佩牛官勤聽籤石示儉黜珍羞漸摩仁與義

聲教揚荒陬以茲坐鎮撫邊徼百無憂巍巍兩大府鉞
芥矧相投

兼謂儀徵節相

旬宣資兩賢

沈春晚王霞九兩觀察

韋絃劑剛

柔不才忝後塵伐柯則取求更有典型在美哉政優優

存素堂詩藁

塵海集

十

潘紅棧方伯

阮芸臺節相見貽大理石硯屏蓋一幅丹青霽景

也寶玩不釋因記以詩

點蒼山光秋曉晴碧空萬里無雲行次寥一氣落石髓
胚胎蘊結開丹青截肪琢玉出大匠片幅奚啻拱璧珍

公自題丹青小

捧歸再拜置座右棐几照耀生光晶昨者

山中輦二石癡雲蒼

雨紛題評

方員二石一題癡雲一題點蒼暮雨

不

若此圖幹天巧倒縮山嶽入硯屏他年攜去走風塵爲
雲只恐騰龍精不然亦如妙畫能通神會須什襲懷袖

裏慎勿輕出雷霆驚

李鐵梅學使

嘉瑞

出其尊人子文先生郵寄勵志

詩見示奉題

詩禮趨庭日文章報

國時

先生主講正定書院君出都時順道省覲

鄉音迎節使

君籍順天

門學出經

師語重書憑寄衡平手自持輜軒行蒞處邊徼被風施

自滇南赴官浙西鐘子審小憇用旅壁原韻

愬愬蕉鹿認前緣迴首滇雲隔暮煙村犢驅耕民氣樂

花龙息吹宰官賢木香滿路逢初夏茅店題詩記去年

正是槐黃好時節霓裳重夢大羅天

時晒舍弟春闈捷書

早行疊前韻

存素堂詩彙

塵海集

十一

真是猿升與蟻緣肩輿犯曉度寒煙羊腸屈曲愁行旅

駿坂馳驅憶昔賢醅俗久蒙無事福窮簷惟祝屢豐年

竭來財賦殷繁地

雨露何由答

九天

諸葛武侯祠

形勢八圖謀早定公忠兩表志偏賒天心未許恢炎祚

帝統終看屬漢家籌筆坐揮規大業將星陡墮失中華

只今丞相堂前樹尙作風雲起陣沙

巴水清清瀘水渾錦官城外月黃昏素車莫洗降王痛

總帳誰招望帝魂
桐戶酒漿羅闕室
村巫絃管咽祠門
茂陵拱木蕭條盡
原廟淒涼若箇存

飛雲洞

在黃平州

十四年前此舊游
今吾得似故吾不

壬午使黔癸未南歸均於二月過此

去夏赴滇重來登覽及今又一期矣

須眉尙認空中相
腰腳慵登最上頭

出岫雲原無滯迹
在山泉本是清流
馬蹄催我東南去
五十華簪未許投

桃花源

楚客歌吟別有情
無端諷諭託蕪蘅
自從湘水傳靈異
無數溪山浪得名

存素堂詩藁

塵海集

十一

青溪紅樹雜田園
閭巷漁樵洞口喧
一幅輞川詩裏畫
更從何處覓靈源

楚尾吳頭屢問津
天涯草草一勞薪
漁舟隔岸知多少
誰是山林把臂人

淮壩鄉縣大河邊
亦有津源好學仙
爲少詞人遊屐到
桃花寂寞幾多年

五日楚江舟中

茫茫百感望天涯
細柳新蒲覽物華
怕聽江頭嗚咽水
輕舟連夜過長沙

綵縷

年年佳節道途中孤負榴花幾度紅濁酒三升篷底醉
漫拈綵縷學兒童

明月菴

煩襟苦鬱蒸輕舸嫌局隘躡水上翠微一空塵眼界近
樹列若薺遠山小於芥欣賞良未已片帆看高挂

泊新石灘過寺僧半顛茶話薄暮訪得勝菴妙圓
不值

榜舟寺門山薜茒逢僧話開軒掃白雲淪茗汲清澗久
坐忘形骸新機發警效未入清淨理恍出塵垢界無言
對斜暉遠山澹如畫

存素堂詩藁

塵海集

三

出門重行行信步入蒼靄幽人渺何處遠樹殘鐘外心
隨歸鳥迹耳激高松籟雲深不見人隱隱聞梵唄悄然
尋歸途孤舟枕寒瀨

六月望夜登滕王閣看月

銀濤曳練月舒波傑閣凌虛景物羅萬里宵光如晝朗
一江水氣得秋多涼生風露天邊下靜看星辰檻外過
浪底魚龍休竊聽有人倚醉獨高歌

怡悅亭方伯

二良

陳蓮史廉訪

繼昌

余星堂觀察

正

煥

薩寶齋觀察

興阿

張子畏太守

寅

枉送江干

曼前韻畱別二首

玻璃瓊子瀉金波上水銀鱗入饌羅絕徼南來風日麗
大江東去浪濤多篋中夜氣雙龍躍鏡裏天光一雁過
恰喜高軒隨暮雨踏車聲息起田歌
時方亢旱是日適得微雨
鯉魚風靜水無波蔽體炎憎疊雪羅行客笑隨大暑去
賢人看比德星多長途圓月經三見一歲流光及半過
好借琴薰掛篷腳夜窗穩臥聽橈歌

嚴子陵釣臺

五月羊裘大澤行山中誰見客星明尚嫌蒲卷稱師友
只合漁樵論弟兄萬乘何心輕漢主一竿原自足先生
區區禮幣堪招致四皓從知妄得名

存素堂詩彙

塵海集

十四

卷四

乘槎集古近體詩七十二首

癸巳

存素堂詩藁

乘槎集

一

乘槎集

乘槎集

太倉 錢寶琛 伯瑜

古近體詩七十二首 癸巳

煙雨樓敬觀

高宗純皇帝墨寶恭紀

聖駕當時御六龍

豫遊曾此駐

帷宮

兩朝玉躡金題筆

仁宗睿皇帝在藩時扈蹕南巡有恭和御製詩 諸

老皋颺益贊風

存素堂詩彙

乘槎集

一

化被百年休養後賦蠲九等頌聲中卽今滿地耕桑業
極目樓臺煙雨濛

金山寺用東坡韻

揚子江頭水拍天欲挾金山走東海往來偷眼看浮圖
丹碧琉璃長好在金山三十六陂陀迴抱中泠濫濫波
枯僧迎客兩眼碧只緣日飲清茶多我來偶繫江邊楫
爛爛銅鉦升曉日焦山一髻遠煙青北顧雙螺早霞赤
須臾風浪盪魂魄江豚人立吹波黑積陽斷虹滅復明
萬怪惶惑龍鼉驚此中寶氣人莫識天遣羣靈護神物
紺樓更在最上山欲往從之腰腳頑寶山空手情何已

萬事請看東流水

廣陵曲

青齊斥鹵肥饒地煮水熬沙銷霸氣一朝飛作廣陵濤
坐令銀山堆列肆揚州鶴去垂千春邗溝水綠波鄰鄰
百萬巖網通彩舶六街香市生珠塵城中游俠多華貴
明珠十斛纏頭費快馬輕車走狹邪哀絲豪竹增悲愴
煙燼泥沙世業微綠楊門巷是耶非滿堂珠履春雲散
萬券黃金故紙飛瓊花池館宵遊靜二分月子娟娟冷
滿河燈火化螢飛照見青樓殘鬢影清散飄零絃索空
祇餘旅雁舞秋風可憐一霎浮雲盡目斷冥冥萬里鴻
存素堂詩豪

乘槎集

二一

上閩難

上閩難膽欲寒鞭轡高高控百盤上有縱橫繇互之長
繩下有砰訇不測之飛湍千鈞巨艘挽一綫長竿篙師
驚聚觀富丁錢多閩夫喜指揮推挽萬口謹長號一聲
陡飛度短旗高掛如山安貧丁無錢閩夫怒鳴張獨恐
生百端箇兒錢空行糧盡可憐十戶九不完君不見高
幄峩峩坐大官

老翁歎

老翁夜逐荒村宿兩手提攜路旁哭借問翁何苦爲言
遭顛覆先世南朝舊錦衣牽連黨錮西臺獄妻孥謫配

到江濱至今籍挂軍州贖貫死抽丁歲轉糧行屯亦會
粗饒足往來南北厯關河赤汗經年珠一斛去年陰雨
厯今春民戶輸租苦不速河干日久困霑霖坐耗行糧
生計蹙出門正長洪湖濤打閘添關心剜肉黃河六月
水連天羽檄飛馳星火促初開塘子惡風腥一入中流
驚浪轟挂涵掀波暮復朝舵樓翻簸如旋轂尙喜官儲
護溼薪可憐私橐成空篋同時幾戶沒潢流只恐死生
還未卜我聞斯語忧心目爾輩瘡痍皆我屬爲爾陳情
貸爾粟韓范當前應可告

舟泊桃源柬李春潭觀察

源

存素堂詩藁

乘槎集

二二

丁沽一碧出山泉宦海浮沈近卅年粵嶠煙霞圖畫裏
漢中形勢夢遊邊飛蓬輾轉隨風翼挽粟艱難上水船
早起賣魚聲處處錦鱗得似武昌鮮

贈白門趙二川

泌

時佐李觀察幕

楚尾吳頭繫客愁十年不賦秣陵秋昨宵篷背惺忪雨
夢到江南白鷺洲

相逢乍喜鄉音熟日日河干載酒過我譜巴飲君郢曲
可堪同付雪兒歌

和李春潭見贈原韻

鐵篋仙人舉手招同舟郭李格俱超乘風破浪渾閒事

弭節魚龍靜不驕

絃索揚州已罷休
畫船獨自載笙篴
揭來燕趙悲歌地
定有新詞寫勝遊

記程千里歷津關
天塹重重螳附攀
一綫黃河飛不過
長年貰酒解神還

水旱東南物力艱
憂時杜老漸衰顏
何當歲晚歸舟際
釀美秔香萬井閒

李春潭席上戲示二川

酒是詩家例如君
力不勝政寬容小
戶兵薄畏先登便
欲辭枯酌何須論
斗升高陽狂醉甚
冷眼莫相憎

存素堂詩彙

乘槎集

四

行舟小集以盤飧市遠無兼味分韻得飧字

梁肉厭豪富鐘鼎誇高門
豈不資適口味長輸菜根吾
儕一飲歡貴有真意存果腹
良已快精粗安足論傾蓋

二君子

春潭二川

與我氣誼敦闔然足音至
失喜啞笑言呼

童趣治具有酒清盈罇
近水撈魚蝦入村市雞豚
山藪與野韭一一羅盤
飧同遊四五輩雜坐相寒
暄寒暄猶未已議論紛
瀾翻酒兵樹旗幟詩壘摩
籬藩諧笑忘主客歡宴移
朝昏真率古人意勿作塵
俗喧

趙二川贈詩有鄉關之思依韻和之

江南行未盡梁父疊成吟
久作依人計難爲遊子心
風

檣寒側側堠柝夜沈沈莫對天涯客輕彈爨下琴

料梁行

攔黃壩束黃河道十里五里防秋堡桃宿上游下高竇
如堵河脣堆宿草昨夜官符下里保大河異漲沒柴埽
東西兩塘勢欲倒急調民夫輦芻藁是時積水長行潦
六月炎蒸日杲杲背負肩挑兩手抱衰翁稚子雜婦媪
里胥跳擲老兵惱日出到工胡不早

中有黠者狗盜徒忍能白晝爲穿窬大擔小束盈通衢
官兵瞠目噤不呼東鄰老嫗鶴髮枯晨突不黔日過晡
西家小兒無完襦飢餓終日泣路隅匍匐拾得道上芻

存素堂詩藁

乘槎集

五

叱罵往往遭鞭驅嗚呼豪強當鋤羸弱扶司牧司牧吾
大夫

趙二川將返金陵有詩畱別和作

早歲虛攀庶子華夢餘退筆未堪誇蟬辭高樹沈殘響
蝶守空枝抱落花盡日看雲懷雁侶幾時近水理漁叉
閒來自譜無聲樂不鬪瑤牋五色霞

豚蹄鄉社集榆粉拔幟猶能張一軍子弟風流追小阮
賓朋詞筆有揚雲相期展足驪驪道更喜同心鶴鷺羣
莫負一尊離別酒旗亭柳色惜臨分

宿遷喜晤楊子泉

政源

卽和其畱別原韻兼寄金

某薈 國瑩

鐙燼煙銷月魄殘蒼茫百感夜漫漫天星零落知交盡
塵海漂搖戢影難驅鼠臨流聊滿腹鮎魚上水且投竿
新詩無限淒其意溼墨淋漓帶醉看

趣園

汪靜崖宮庶
鴈詠之所

琴筑散如煙翦燭譚深劇惘然江左

機雲虛作賦

謂陸竹
江子鐵

淮南雞犬竟登仙謂劉
蒼林堂堂白日

無繩繫莽莽滄波有恨填忽記汪倫相送處都亭碧草

正芊芊

竺君書
久不至

文章新體薄齊梁幕府才堪八斗量孤劔夜飛畱斷缺
嫁衣秋冷賸空箱江湖浪迹家何處淮海歸裝路正長

存素堂詩彙

乘槎集

六

子泉將
歸吳門君聽聲聲嗚咽水那堪一夕九迴腸

得失休爭上下流縱橫一洗古今愁煙波碧舫新浮宅

風月滄江舊有樓

楊鐵厓遺跡在
大倉西關外

垂老鬢絲多見雪畏

寒病骨早驚秋他時里閨重相過怕遇監門老督郵

利運開

朝發桃園津暮寄宿男國平明掛征帆奔駛及日仄蒼

頭爲余言此地正直北有閘曰利運天險不可測余聞

動戒心往事今能憶憶昨歲在丁禮闈被放黜藉驟急

南下囊澀艱無力相約附糧艘周君我素識遠
香同行有

短李

渚

意氣稱相得阿買更弱齡

瀛門
蒞

起居不離側

並坐學伊唔據案共飲會是時九月中來源正奔軼風
吹下水船倒駛孤帆直高闌不下板急放勢加疾忽聞
眾謹譁前舟有蹉失冒險始奔騰擊岸旋衝溢須臾沒
水中見者爲股栗今來卽此地心悸猶昨日豈意奇險
處平坦更無匹鼓枻上斗門飛渡一瞬息因悟順逆勢
順者遭挫抑復思盈虧理夷險本互出我儕要任運不
必計通塞擊楫放中流仰見新月色

六月二十三日立秋

去年秋至暑已闌今年暑溽秋翻早去年臥病梁王園
今年觸熱桑乾道火繖張空白汗揮金風不動冰絃燥

存素堂詩集

乘槎集

七

解渴眞思藕似船鎮心卻喜瓜如棗

途中市瓜甚小

回首江南

雲水鄉芙蓉池館好追涼園居雨足瓜壺賤水市風來
菱芡香昨日山中鴻雁至家書寄與雙行字爲買三弓
種秫田科頭赤腳花前醉

侯遷開乘小舟觀渡

短櫂回波便圓棚駕浪輕吳兒多習水鄉語若爲情黃
帽謹呼處銅鈺斷續聲鞞刀來小吏道左管逢迎

雜興

遠帆看似遲遠山看似小帆遲邈難追山小青不了君
無千里目總覺眼前好

鐘鼓饗鷄鵠所處非所據羊質蒙虎皮買聲弋虛譽君子重知命達人貴安遇

蘭膏徒自焚豈曰非佳材皎皎三良士盛名成禍胎所以百夫特詩人重哀哀

有我豈能忘言忘卽已有咄哉道德經名列申韓右不如蚩蚩氓寂寞千載後

雲

朝爲南山雲暮作西疇雨氤氲一寸膚布護彌宙宇太史書嘉祥崇壇廁豆俎謂能蒸太和時甘剪下土胡爲降霖霖不恤東南苦東南地苦庠由來稱澤國去冬徂

存素堂詩藁

乘槎集

八

今春陰霾氣四塞癡龍竊神柄翻亂陣頭黑坐今日滂沱白晝陽光匿沮洳長大田誰能事稼穡可憐財賦區疋瘠有飢色天公最仁愛雲師爾失職我欲叫九閭九閭渺何極

荷花

晚荷的的搖煙幌赤腳丫鬟雙槳蕩百錢賭得水鴛鴦冷落朱顏誰見賞頗憶金鰲退直餘繞城十里紅芙蓉香風滿路送歸去晚市攜來雙白魚

青椒

茁露朱英滑搓霜碧玉纖借他些子辣畱得幾分甜蜀

客調菹醬吳孃下豉鹽尙嫌薑桂性一味帶秋嚴

會蟹調宋芥楮

清壽

學博

兩載浙西宦未省蝻蟀味荒廚自清寂豈曰遠莫致今
來濟河壩水族得頗易食蛙瘦不辭斫鯉肥嫌膩廣文
寒無羶不惜杖頭費船頭郭索聲團尖獲三四藉盤久
無肉得此當生飶亟呼付鑊湯加以火光衣巨螯想雙
持嫩眼經百沸須臾登梓中黃大香溢鼻阿咸見垂涎
咀嚼恣快意獅子太憨生廢書私愕眙而我厭肉倉園
菜生腸胃雖非坡公饒頗學山谷嗜指染縱未遑眼飽
亦已遂彼哉瓊蛄族恐是江湖使賓君便腹中何如螿
存素堂詩藁

乘槎集

九

穴寄作詩聊問訊調語託賓戲

前采蓮曲

采蓮復采蓮烏榜木蘭船煙中人不見笑語綠楊邊
采蓮復采蓮鴉髻鞞雲偏背人偷射鴨雙彈墮郎前
采蓮復采蓮荷芰作衣穿持歸與郎看遮莫妒紅顏
采蓮復采蓮喜摘並頭妍嬌羞佯不語袖底卜金錢
采蓮復采蓮生小識風煙莫入吳宮去歲歲復年年

後采蓮曲

采蓮莫采葉恐驚雙鴛鴦雙棲復雙宿飛去不成雙
采蓮莫采子蓮子中心苦蓮苦儂心知儂心向誰吐

采蓮莫采蒂中有青絲牽花折尙堪插絲斷不能連
采蓮莫采粉冷落空房秋人面幾時好勾起儂心愁
采蓮莫采藕泥污沾人肌沾肌可洗滌只恐沾郎衣

珠梅間

屬沛縣自邳州黃林莊入東境嶧縣行一百四十里轉入沛地彭口又六十里過珠梅入魚臺縣則全屬東境矣

不辨東南境縱橫互置郵潮通汶泗水壤錯兗徐州置
索多因革遽廬一泳游南陽爭戰地

所稱齊地

齊魯盡墟邱

珠梅八十里為南陽鎮相傳即孟子

登任城太白樓

采石磯邊弔古邱相傳供奉舊曾遊

當塗有太白墓酒樓即在城外江岸

存素堂詩彙

乘槎集

十

十年前曾瞻謁於此詩仙到處都攜酒勝地於今盡有樓東道况

兼逢雅故

時賀監為任城令

南池未許讓風流

南池有杜公祠多林泉之勝樓

俯瞰其上

夜闌擊斗高歌起太白
芭寒露氣浮

芥楣畫谿見和前韻再疊一首

麗譙紅處土成邱洗水島山極目游豈有詞人經此地
不攜斗酒上高樓帆檣遠駛疾於馬穉稭陰濃碧若流
肅肅天風畱不住飄然一葦水雲浮

乞巧詞

銀河澹澹夜將午碧漢微微月半吐香篆溶溶開繡戶
瓜果盈盈列翠筥三三五五蘭閨侶喁喁啣啣神前語

女媧補天天莫補帝錫星妃七襄杼雲漢爲章霧爲組
摹繪乾坤織風雨散作千家珠翠縷至今照耀光明宇
不羨龍文與藻黼但乞金鍼砭心膂我有大巧非乞與
谷神元牝兩不主破除鑿柄弛殼弩混沌復全返樸魯
我不乞神神應許一笑人閒小兒女

前韻和芥楣畫溪

天街濼濼銀蟾午宵光的皦瑤鞋吐笙歌填咽開珠戶
玉女承筐青女筥雲車風馬天人侶盈盈一水默無語
藍橋烏鵲宵填補龍宮神女出機杼海上鮫人吐珠組
洗塵十里巫山雨雲母香奩金碧縷煙綃霧幌琉璃宇
存素堂詩藁

乘槎集

十一

賤卻人閒繡與黼閨中思婦愁填替迴文欲寄憑誰與
綠章上乞氤氳主和詩如挽百鈞弩不如飲我魯酒魯
縹緲仙人在何許不見縞衣寂寞貧家女

七夕後一日芥楣三疊前韻見示輒復和答

昨夕詩吟到今午琅琅滿紙珠璣吐窩開錦繡詩門戶
不類貧家餉筐筥羨君吟嘯得儔侶咿咿夜半秋蛩語
嚴詩杜集重刪補十丈龍綃同一杼雲錦爲裳雜繒組
一篇跳出驚風雨有時輒語牽情縷十二巫山現眉宇
有時奇藻挾華黼拍擢肝腎刻肌膂我乞閒身天弗與
故園久乏東風主如矢離殼機脫弩僕僕塵勞歷齊魯

息壤它年渺何許笑看索果癡兒女

感秋詩用太白潯陽紫極宮原韻二首

太白紫極宮感秋詩有四十九年非一往不可復之句東坡感之有次韻詩余今亦四十九矣

展卷根觸率和二章非以言志聊當擬體云爾
秋風響空山媚此娟娟竹明月落我手泚泚水盈掬風
月了無異清曠幽人獨拄杖訪白雲道人畱我宿萬象
靜自得一椽穩可卜所嗟過隙駒冉冉去不復四十九
年非彈指枯枿覆北窗有餘清睡味曹騰熟

深山老龍吟聲在千竿竹寒泉轉鹿盧冷冽不能掬我

存素堂詩彙

乘槎集

十一

有七絃琴欲彈恐淒獨傳舍一俯仰祇林幾信宿丹砂
久無信玉芝那可卜

東坡自序道士胡洞微許以玉芝相遺

行年四十九

東坡句朱顏料難復閱世會甘酸讀書厭反覆空倉喧鼠
雀早晚稻梁熟

畫馬用蘇子由書李伯時所藏韓幹馬原韻

五花高鬣夾頸垂障以金泥絡以絲英風颯颯起霜素
屹立四足如卓錫細觀紙上卻不動譬若掣電追風馳
奚官鞅絆不在手似覺神物難爲羈世無伯樂誰相馬
世無伯時誰好奇當時廐馬三百匹一一比似皆駑雌
少陵嘗以不畫骨主客抑揚或過之我聞幹畫取神理

不然相骨等相皮穆王八駿至今在刻畫分寸那許知
權奇意氣得象外此語我欲問畫師

索逸泉寫真

天公似惜春無色貽子一枝寫生筆尤能頰上替傳真
脫紙人人聲欲失曾貌鄂褒毛髮來更鐫李杜詩魂出
昨朝寫我上淮圖淪淪淥水照顏癯挽鬚小兒哆口笑
識面故人拍手呼年來飽識風塵味行窩草草浮萍寄
更與澄心三尺紙終須著我山巖裏

德州贈張詩舲

祥河

使君五十容不改天與朱顏媚緋綵不然白髮何不公

存素堂詩彙

乘槎集

十三

使我穆穆成老翁京華廿載朋交洽與君雁序稱同甲
追歡近局炙黃雞賭酒深宵射乳鴨同時更有兩王孫
翩翩裘馬映朱門一朝並轡著鞭去坐令儕輩驚塵奔
而今宿草生海上一曲廣陵成絕唱勸君莫放酒杯閒
笑出袁公橘相餉

董子讀書臺

廣川傑閣峙崔嵬勝蹟誰移衛水來畢竟爭墩非俗事
北平不築李陵臺

使君文武擅通才

謂詩舲

射圃詞壇取次開試望平原懷

古勸應須添箇魯公臺

德州爲古平原地

集張詩舫東園觀射用東坡劉公射堂原韻

秘省清郎書畫家繞堂四壁擁名花寄情詩酒爭龍虎
放筆煙雲走蚓蛇面圍笑開弓月滿分棚想中戟枝斜
眼看旌節生繁麗十丈雲麾照大牙

陸素菴贈藤笠賦謝

輕裝侵曉怯風棱短帽騎驢記昔曾贈我剡溪雲一片
覆檐自笑髮鬢髻

遠游拚卻卸行滕何笠休辭病未能料理一枝扶老具
要從林下覓紅籐

諸葛菜

存素堂詩彙

乘槎集

十四

當年諸葛在行營到處青青植蔓菁小草亦堪充食氣
大名先足壯軍聲蔽根未忘躬耕日茹苦常思戰士情
千里裹糧非勝算武侯經濟是屯兵

薰鶴

登杵猶帶海風腥蛻出禽胎鍊幻形怪底雲霄聯臭味
何堪朽腐化仙靈丹砂待養須神術白骨非凡補相經
報與滄溟鯤鯨侶天衢指顧刷修翎

蠓蝴蝶

誤撲雙雙粉蝶衣霜螯手把認依稀化成仙夢渾如蛻
洗出汗泥便欲飛公子橫行誰傳翼太常清禁豈持肥

一身具有峻嶒骨可逐東風舞夕暉

曾缸和宋芥楮廣文韻

并序

濟甯北關外見有投曾於水者用巨缸六具前
四後兩以木板上下相繫前後距丈許缸面板
各剗孔得魚卽投入詢之土人名曰曾缸芥楮
作詩紀之戲和其韻

五材民並用塲埴土與水斬筏取中通金木相表裏濟
之以結繩離火斯兼矣任城有曾缸缸形大以侈釋器
既不詳觀獻亦無紀齷齷灌園翁抱甕母乃是僉云得
機巧我獨曰否否緊昔創物初剗木舟可熾厥亦有網
存素堂詩彙

乘槎集

十五

罟義各有取爾後乃藉舟漁罔密伊何底不顧橫目茨
但博觀頤喜壘斷賤丈夫其術乃類此曾缸古無攷要
亦漁艇似雖然張四維絕異時製詭意取陶旗古恥與
綱罟比左左或右右得魚願卽止我來問風俗見之亟
稱美小技可喻道筌蹄何足齒疎目弛鯤鱗百囊致鱠
鯉洿池久有禁斷罟從此始

南旺謁分水龍王祠

晚雷隱隱起秋灘黯淡靈旗殿閣寒配食故應祠水部
朝真依約集雲官道人茶火燒菰葉過客椒尊薦荔丹
上下流隨南北棹往來莫作兩般看

前題和晝谿燈韻

棹歌迺邇唱黃頭蘆荻瀟瀟水國秋帆影遠收青岱色
岡身分學汶河流靈宮松柏低華蓋古壁風雲暗彩旂
煙景平臺看不盡任城重上謫仙樓

四秋詩和宋芥楸原韻

蘭

寂歷孤芳曲徑深山中遲暮冷雲侵不爭桃李三春色
自託蘅蕪一寸心秋士幽襟寒獨抱水妃仙佩晚初臨
莫言空谷知音少隔竹遙聞擁鼻吟

菊

存素堂詩藁

乘棹集

六

茅屋三閒鹿眼籬卜鄰近與野農期白雲招我攜尊就
小雨畱人蠟屐遲簪露莫辭衰鬢醜問秋獨有晚香知
夜來對燭清無限病葉疎花見一枝

橘

鄉心吹夢洞庭東滿樹寒香色味同素女霜搓三徑白
木奴秋點一林紅百枚欲作詩仙供千戶休將食邑充
輸與蜀都盧橘早離離炎趁火雲叢

蘆

兩岸飛花作絮看霜華撲面凜難干寄衣信斷春絲薄
落帽風欺曉鬢寒孤雁低迷時節晚雙鷗掩映水天寬

五更颯颯吹葭亂聽有漁舟下淺湍

題逸泉山水小照

畫花先畫骨寫貌先寫神此中得三昧一一能傳真子
自有彩筆何以求諸人得毋愛泉石一洗鉛華塵畫師
無名氏要非流俗倫阿堵未云肖筆墨殊清新摩詰無
聲詩亦有妙諦存

王椒畦孝廉爲作山
靜日長圖於卷端

一幅松石閒伴

子閒吟身

紀夢

癸巳秋七月既望舟中獨酌成醉夢至一莊舍
編籬爲門入則叢篠夾道稍前橫一小溪跨亭

存素堂詩藁

乘槎集

十七

其上躡屐而過徑益寬修竹益蔥茂可悅望之
蹀然而高者爲岡爲陂陁窪然而下者爲池繚
曲而向背者爲石梁爲橫檻屋不過數楹而臺
榭堂室備具屋後環以崇巒竹樹覆蔭櫻茅亭
各一仰視其頂水聲潺潺瀉戶牖閒蓋屋三面
鑿地爲土山其下浸淫成池通前之溪亭云余
向與友人談欲得十畝閒田種竹萬竿其他果
樹雜花什之一足供歲時游目惜不得佳山水
助勝概爲恨曩者之夢豈有以相告耶抑意有
所感耶爰亟追摹所見以授逸泉使圖而藏之

俟異日之規地而經營焉圖成仍系以詩

我家家山本無山太湖偶落指掌閒

吳中假山多太湖石

庭前蒼

翠起一角出自匠手非天然山靈笑我無山住夢中現
出青鸞環是山非山壘土成得母有意矧我頑有居何
必皆樂土有山何必皆孱顏鑿地得山并得水分明綠
鏡裝煙鬢他年歸去拓此境畫圖更與參荆關

存素堂詩稿

乘槎集

六

